

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana konstituirajuća sjednica Predsjedništva Saveza	1
Načelnik Općine Breza, H.Tuzlić susreo se sa kuvajtskim šeirom Tanom	1
Uručene značajne nagrade općinama i načelnicima iz FBiH na akademiji Evropskog pokreta u BiH	2
Općina Doboj Jug dobila Park u Ankari	3
Svečanom ceremonijom otvoren glavni trg u Cazinu	4
Općina Banovići nezadovoljna gospodarenjem šumama	4
Održana ceremonija završetka projekta T.A.J.A.N. i otvoren turistički info centar	5
Svečano otvoren GÜN-GOR park u Goraždu	6
Decentralizacija u upravljanje otpadnim vodama u fokusu stručnjaka iz cijele BiH	6
Najava međunarodne konferencije 'ENGRA'	7

Bilten Saveza općina i gradova Federacije Bosne i Hercegovine

ODRŽANA KONSTITUIRAJUĆA SJEDNICA PREDSJEDNIŠTVA SAVEZA OPĆINA I GRADOVA FEDERACIJE BOSNE I HERCEGOVINE

GORAŽDE, 8. maj/svibanj – U Velikoj sali Općine Goražde danas je održana konstituirajuća sjednica predsjedništva Saveza općina i gradova Federacije BiH u okviru koje je na Dnevnom redu bilo više značajnih stavki za funkcionisanje lokalnih zajednica uključujući izvještaje o aktivnostima Saveza.

Na početku današnje sjednice, gospođa Vesna Travljanin, direktorica Saveza općina i gradova Federacije BiH istakla je - „Danas u Goraždu imamo sjednicu predsjedništva Saveza općina i gradova Federacije Bosne i Hercegovine. Ovo je konstituirajuća sjednica, a u februaru smo imali izbornu skupštinu u Fojnici gdje su svi načelnici izabrali rukovodstvo Saveza. Danas trinaest načelnika dolazi na prvu sjednicu gdje se razmatraju značajna pitanja, kako za lokalnu samoupravu, tako i Savez. Drago nam je da smo danas u Goraždu i što ćemo imati priliku učestvovati na velikoj svečanosti otvaranja Parka.“

Domaćin konstituirajuće sjednice bio je načelnik Općine Goražde mr. Muhamed Ramović koji je nakon održane sjednice upoznao članove Predsjedništva sa Općinom Goražde kroz prezentaciju, nakon čega je naglasio:

„Čast nam je imati načelnike iz čitave Federacije Bosne i Hercegovine u Goraždu i učinimo sve da se osjećaju ugodno. Danas smo imali veoma uspješnu konstituirajuću sjednicu i pozvali smo sve načelnike da budu naši gosti na svečanom otvaranju GÜN-GOR parka.“

Treba naglasiti da su na današnjoj sjednici načelnici ukazali na neravnomjernu raspodjelu sredstava od poreza kada su u pitanju odnosi sa višim nivoima vlasti, što je bio i zaključak današnje sjednice, a odlučeno je i da će se pokrenuti pitanje rješavanje ovoga problema. Pored ovoga, načelnici su razmatrali i rad skupštinskih komisija Saveza, Izvještaj o izvršenju finansijskog plana Saveza za 2012. godinu, Prijedlog finansijskog plana Saveza za 2013. godinu, izvještaje o projektnim aktivnostima Saveza, te Nacrt zakona o zaposlenicima u organima jedinica lokalne samouprave i Zakon o izmjenama i dopunama Zakona o principima lokalne samouprave.

Nakon sjednice, članovi Predsjedništva Saveza općina i gradova Federacije BiH obišli su postrojenja firme Bekto Precisa i Hella Bekto Industries.



Sa sjednice Predsjedništva, 8.05.2013

NAČELNIK OPĆINE BREZA, H.TUZLIĆ SUSREO SE SA KUVAJTSKIM ŠEIKOM TANOM



BREZA, 29. april/travanj – S ciljem privlačenja stranih investicija u Brezu, načelnik Općine Halil Tuzlić imao je poseban i veoma prijateljski susret s kuvajtskim šeirom Sahd Tanom. Predstavljajući područje općine Breza Tuzlić je rekao da je nužno privući investitore, jer je to jedan od načina da se otvore nova radna mjesta i ublaži trend nezaposlenosti.

Tana i Tuzlić razgovarali su o nizu pitanja od interesa za grad. Brezanski načelnik istakao je da područje Općine pruža dobre uvjete za investitore, tražeći od šeiha da, imajući u vidu resurse sa kojima raspolaže Općina, a posebno

mladu i školovanu radnu snagu, uloži u općinu Breza.

Ukazujući na potrebu otklanjanja barijera koje postoje u bh. zakonodavstvu i praksi prema investicijama i otvaranju novih radnih mjesta, Tana je izrazio nadu da će se, započeta dobra saradnja, proširiti u mnogim oblastima.

URUČENE ZNAČAJNE NAGRANE OPĆINAMA I NAČELNICIMA IZ FBiH NA AKADEMIJI EVROPSKOG POKRETA U BIH



Načelnik Općine Cazin, Nermin Ograšević sa primljenom plakatom

Na svečanoj akademiji simboličnog naziva "Vrijeme je za Europu", koja je održana 8. maja/svibnja u Prnjavoru, dodijeljena su priznanja Evropskog pokreta u BiH općinama koje su otvorene za saradnju sa Evropom i njenim institucijama, a služi kao vrsta certifikata evropskim institucijama, te je na taj način Evropski pokret identificirao lokalne zajednice i načelnike koji ispunjavaju određene evropske standarde i normative.

Tom prilikom, Evropski pokret u Bosni i Hercegovini dodijelio je Općini Cazin plaketu „Evropski otvoreni grad 2013“ kojom je Cazinu i zvanično potvrđeno priznanje iznimnog truda i rada na razvoju i napretku kakav prethodi pridruživanju naše zemlje evropskim integracijama.

„Ovo će nam, iskreno se nadam, pomoći u realizaciji brojnih naših projekata i radu naše općine, u saradnji s našim susjedima i evropskim zemljama. Priznanja inače, predstavljaju potvrdu dosadašnjeg rada, ali ona su i podstrek i obaveza za dalje. Mi u općini Cazin imamo jasan cilj, želimo razvijenu sredinu u kojoj će vladati povoljan ambijent za sve i u kojoj će ljudi biti sretni. Sve više Cazinjana ide u tom pravcu i uvjeren sam da ćemo to postići“, kazao je načelnik općine Cazin mr. Nermin Ograšević nakon primanja plakete „Cazin - Evropski otvoreni grad“.

Refik Lelić, zamjenik predsjedavajućeg Općinskog vijeća Cazin, izrazio je zadovoljstvo postignutim priznanjem, te istakao kako je ovo uspjeh svih Cazinjana i zajedničke politike otvorenosti i tolerantnosti.

Moto ovogodišnjeg obilježavanja Dana Europe u BiH je multikulturalnost, tolerancija, razumijevanje i učešće žena u društvenim tokovima.

Predrag Praštalo, predsjednik Evropskog pokreta u BiH, kazao je da „Evropski pokret bira svoje partnere. Mi smo Cazin prepoznali kao prosperitetnu sredinu i načelnika Ograševića kao načelnika koji ispunjava sve evropske normative standarde i sama činjenica da neko osvoji tri mandata najbolje potvrđuje da su građani procijenili da dobro radi taj posao. To nam daje pravo da biramo grad i predložimo evropsko partnerstvo. Dakle, općina Cazin i načelnik apsolutno zaslužuju priznanje Evropski otvoreni grad i ja ovu priliku koristim da još jednom čestitam i načelniku i građanima općine Cazin na evropskom partnerstvu koje imamo, uz želju da u budućnosti ostvarimo brojne zajedničke projekte“.

Pored priznanja koje je dobila Općina Cazin, načelnik Općine Gračanica, Nusret Helić, dobitnik je priznanja Najbolji načelnik Federacije BiH 2013. Tom prilikom Općinski načelnik je kazao kako ovo priznanje smatra priznanjem svim građanima općine Gračanica, privrednicima ali i svima onima koji su na bilo koji način doprinijeli da Gračanica bude prepoznata kao napredna sredina. Dodao je kako je svako novo priznanje motiv da se i dalje predano radi na unapređenju živonih uslova svih građana općine.



Načelnik Općine Livno, Luka Čelan

Također, načelnik Općine Livno, Luka Čelan primio je priznanje za "Najboljeg menadžera-načelnika Federacije BiH 2013", kao i načelnik Općine Ilidža, prof.dr. Senaid Memić. Tom prilikom načelnik Memić je izjavio kako ovo Priznanje dokazuje da su svi evropski partneri i institucije dobro došli u ovu lokalnu zajednicu i da u njoj, kao i u načelniku, imaju dobre i pouzdane partnere. Iz Evropskog pokreta smatraju da moderan načelnik mora misliti i raditi poput poslovnog menadžera ukoliko želi da vodi lokalnu zajednicu i građane koje zastupa. Zbog toga je u 2013. po prvi put uvedeno priznanje načelnik-menadžer u BiH i dobio ga je Senaid Memić, načelnik Općine Ilidža. „Priznanje mi mnogo znači, ali mi stvara i obavezu da budem još bolji u nastojanjima da Ilidži vratim prijeratni sjaj a njenim građanima bolji ambijent za život, rekao je, između ostalog, načelnik Memić.



Dobitnici priznanje Evropskog pokreta u BiH

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmeded.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu



Načelnik Općine Ilidža, Senaid Memić sa primljenom plakatom



Načelnik Čelan i Memić primili su također i priznanja u kategoriji „Evropski otvoreni grad BiH 2013“, kao i Općina Travnik.

Među dobitnicima bila je i načelnica Općine Visoko, Amra Babić koja je dobila priznanje «Najbolja žena – načelnica Bosne i Hercegovine 2013» dok je Općina Visoko proglašena za «Evropski otvoreni grad Bosne i Hercegovine 2013».

Svečanoj akademiji prisustvovali su Specijalni predstavnik EU u BiH Peter Sorensen, Visoki predstavnik Valentin Incko, gradonačelnik Zagreba Milan Bandić, predstavnici diplomatskog kora zemalja akreditovanih u BiH, predstavnici institucija BiH, entiteta RS i

Federacije BiH, lokalnih zajednica, predstavnici privrednika i medija. Pored navedenih, dodijeljen je veliki broj priznanja političarima, međunarodnim predstavnicima i ambasadama kao prijateljima BiH, najzaslužnijima za doprinos evropskim integracijama i razvoju Evropskog pokreta, evropskim otvorenim gradovima, najtolerantnijim lokalnim zajednicama, evropski društveno odgovornim poslovnim subjektima, nevladinim organizacijama, medijima, priznanja za životno djelo, kao i brojne zahvalnice za za partnerstvo i podršku BiH na putu ka EU.

Evropskim gradom BiH 2013. proglašen je Prnjavor - grad domaćin ovogodišnje manifestacije. Kako ističu iz Evropskog pokreta, nije slučajno da je manifestacija obilježavanja Dana Evrope održana baš u Prnjavoru. Naime, riječ je o gradu u kojem žive pripadnici 17 nacija, zbog čega je poznat i kao „mala Evropa“.

Obilježavanje Dana Evrope u Prnjavoru simbolično nazvano „Vrijeme je za Evropu“ organizovano je pod visokim pokroviteljstvom Predsjedništva Bosne i Hercegovine.




Evropski pokret u Bosni i Hercegovini
European Movement in Bosnia and Herzegovina / Mouvement Européen a Bosnie Herzégovine

OPĆINA DOBOJ JUG DOBILA PARK U ANKARI



Općina Doboju Jug koja se bratimila prije dvije godine sa Općinom Sindžan, jednom od osam najrazvijenijih općina Ankare, prošlog mjeseca dobila je svoj park. Višečlana delegacija Doboju Juga koja je krajem aprila/travnja boravila u Sindžanu bila je na otvaranju Parka Doboju Jug, jednog od 174 parka u ovom gradu. U posljednje vrijeme uređenju okoliša i izgradnji parkova, šetališta, trim

staza, igrališta za djecu i omladinu, mini jezera i gradskih izletišta Sindžan, odnosno Ankara pridaju veliko značenje. Načelnik Sindžana, doc.dr. Mustafa Tuna je kazao da bi volio da svaki stanovnik Ankare posadi jedno drvo u bilo kojem dijelu grada, čime bi se glavni grad Turske utopio u prirodne ljepote i zelenilo koje ovdje itekako nedostaje. Općina Sindžan ima više od pola miliona stanovnika, dok grad Ankara broji deset puta više. Nalazi se na nandmorskoj visini od 938 metara. Do 1930. godine ovaj grad se zvao Angora, a od 1923. godine, dakle punih devedeset godina glavni je grad Turske. Čestitajući devedesetogodišnjicu postojanja Ankare kao glavnog grada, odnosno pedesetdevet godina postojanja Općine Sindžan, općinska načelnica Jasminka Begić se zahvalila svom kolegi - domaćinu, gradonačelniku dr.Tuni na izvanrednom prijemu sa nadom da se ova bratska saradnja u narednim vremenima učvršćava i širi na svim poljima života, rada i djelovanja. Turska jeste zainteresovana za ulaganje u našu zemlju, a otvaranje ovakve saradnje, te razvijanje odnosa sa drugim Turskim industrijskim centrima, poput Burse daje garanciju da će se Turski investitori uskoro pojaviti i na ovom dijelu Bosne i Hercegovine. Već 28. maja/svibnja Dobojsku regiju će po treći puta posjetiti jaka privredno-politička delegacija Burse koja je iskazala interes za ulaganje u oblasti metalne i tekstilne industrije.



SVEČANOM CEREMONIJOM OTVOREN CENTRALNI TRG U CAZINU



Svečanim podizanjem zastave Bosne i Hercegovine na centralnom trgu u Cazinu načelnik općine Cazin Nermin Ogrišević i predsjednica Udruženja Majke enklava Srebrenica i Žepa Munira Subašić, u prisustvu načelnika općine Šile iz Istanbula Džana Tabakoglua, načelnika općine Develi iz turskog Kajserija Redžepa Ozkana i načelnika općine Zile Džume Karademira, svečano je otvoren Trg prvog predsjednika Predsjedništva Republike Bosne i Hercegovine Alije Izetbegovića.



Ceremonijom obogaćenom bogatim kulturno umjetničkim programom ozvaničen je završetak radova na izgradnji i rekonstrukciji Trga Alije Izetbegovića, investicije vrijedne oko dva miliona konvertibilnih maraka.

Uz nekoliko stotina uzvanica, među kojima su predstavnici susjednih hrvatskih općina, turskih prijateljskih općina i stranih ambasada, svečanost je svojim prisustvom ispred Ministarstva kulture Republike Turske, uveličao i ataše za kulturu pri ambasadi Turske u BiH Džengiz Ajdin.

Istanbulska općina Šile te Develi i Zile iz Kajserija bratske su općine Cazina i načelnici ovih općina izrazili u zadovoljstvo povodom otvorenja Trga prvog predsjednika Predsjedništva Republike Bosne i Hercegovine Alije Izetbegovića, a osnovna poruka koja je upućena sa ove svečanosti odnosi se na novu fazu razvoja odnosno jačanje privrede i industrije.

„Zaokružili smo jedan ciklus i osigurali uvjete za privredni razvoj. Naša općina posjeduje ogromno bogatstvo u ljudima, našim privrednicima i mladosti Cazina. Siguran sam da sada možemo nastaviti dalje i da smo pokazali da marljiv rad i trud uvijek rezultiraju uspjesima“, poručio je načelnik općine Cazin mr. Nermin Ogrišević.

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

OPĆINA BANOVICI NEZADOVOLJNA GOSPODARENJEM ŠUMAMA



BANOVICI, 25. april/travanj – JP „Šume TK“ uz podršku Općine Banovići danas je organiziralo javnu raspravu na temu „Certificiranje gospodarenjem šumama“. Povod ovoj javnoj raspravi su procedura EU koju JP „Šume TK“, trebaju provesti kako bi uskladilo aktivnosti gospodarenja šumskim resursima sa principima i kriterijima međunarodno priznatog programa FSC. Isti je neophodan za izvoz proizvoda od drveta u zemlje Evropske unije, a osnovni kriteriji certificiranja su gazdovanje šumama, da je društveno korisno, ekonomski opravdano i ekološki

odgovorno.

Prema riječima pomoćnika Općinskog načelnika i predsjednika UG „Eko zeleni“ Banovići, gospodina Fuada Brigića, sječa šuma se vrši na nedozvoljene i nedomaćinske načine.

„Nadam se da će Šume TK ispoštovati procedure pravilnog gazdovanja šumama i sva tri aspekta gazdovanja: ekonomski, ekološki i društveni, a ne gledati samo ekonomski kao do sada, dok su ova druga dva zanemarili“, istakao je Brigić na javnoj raspravi.

Prema riječima vođe ove javne rasprave Muniba Kljajića, izvršnog direktora za tehničke poslove JP „Šume TK“ na području 11 općina Šume TK gazduju sa ukupno 72.400 hektara šuma različitih kategorija od kojih je 7.763 hektara državnih šuma na području općine Banovići. S obzirom da Općina Banovići posljednjih godina ima primjedbi na nedomaćinsko gazdovanje i nepravilnu sječu šumam, nadati je se da institucije koje će vrši monitoring neće podleći lobijima i da će ovaj proces završiti na pravi način i uvesti Šume TK u ove procese kako bi mogli izvoziti drvo u zemlje Evropske unije, rečeno je između ostalog na javnoj raspravi. (www.opcina-banovici.com.ba)



ODRŽANA CEREMONIJA ZAVRŠETKA PROJEKTA T.A.J.A.N. I ZVANIČNO OTVOREN TURISTIČKI INFO CENTAR



ZAVIDOVIĆI, 10. maj/svibanj
– Turistička zajednica Zeničko-Dobojskog kantona (ZDK) danas je upriličila ceremoniju završetka projekta "TAJAN – Tourism, Adventure, Joy, Attractions, Nature", koji finansira EU i zvanično otvorila Turistički Info centar u mjestu Kamenica, Zavidovići, na području Spomenika prirode Tajan.

Kako je saopšteno iz TAJAN Teama, bila je to prilika da se zvanice bolje upoznaju sa brojnim aktivnostima koje su provedene na uređenju

turističke destinacije Tajan, raznolikoj ponudi sadržaja i opreme koja se nudi posjetiteljima u novom turističkom Info centru te atraktivnim destinacijama na planini Tajan.

U okviru svečane ceremonije otvaranja, koja je organizovana u sedmici obilježavanja Dana Evrope, prisutnima su se obratili šef Delegacije EU u BiH/specijalni predstavnik EU Peter Sorensen, predsjednik Vlade ZDK Fikret Plevljak, načelnik Općine Zavidovići Suad Omerašević, direktor Turističke zajednice ZDK Senaid Šabanović, direktor JP Šumsko privredno društvo ZDK Mirzet Kopic.

Spomenik prirode Tajan osim prirodnih ljepota sada nudi i aktivnosti kao što su: promatranje divljine, brdski biciklizam, planinarenje, hodanje na krpljama, speološki događaji, ekoturizam i drugo.

Razvoj turističkog proizvoda Tajan je proces baziran na kombinaciji tri glavna seta aktivnosti: razvoj turističke infrastrukture, koordinaciju i razvoj ljudskih resursa, te segmentaciju tržišta (uspostavljanje veza sa ciljnim tržištima).

Osnove potrebe razvoja zaštićenog područja Tajan definisane u toku pripreme projekta su rješene kroz uspješnu realizaciju projektnih aktivnosti: bezbjedonosne mjere su povećane do nivoa koji može odgovoriti povećanom broju posjeta destinaciji; Kombinacija treninga i razvoja infrastrukture je obogatila turističku ponudu Tajana, a otvaranje Turističkog Info centra i marketinške aktivnosti zajedno sa promotivnim događajima će kontribuirati poboljšanju imidža o Tajanu kao turističkoj destinaciji.

"Danas, turistički proizvod Tajan uključuje: fantastičan scenarij sa različitostima prirodnih oblika (jezera, pećine, šume, planine i sl.), dobru ponudu sadržaja (planinarenje, biciklizam, rafting, špijarenje, promatranje divljine, hodanje po snijegu, turno skijanje, događaji i sl.), više od 200 km pripremljenih i markiranih staza za različite svrhe (biciklizam, planinarenje i turno skijanje), dostupne usluge (biciklizam, hodanje na krpljama, spašavanje, planinarske vodiče, B&B i dr.), a iznad svega ljubaznost i toplu dobrodošlicu od strane lokalnog stanovništva", kaže se u saopštenju.


Park prirode "Tajan" se nalazi između općina Zavidovići, Kakanj i Vareš, na nadmorskoj visini 1.297 metara.

Područje Parka prirode bogato je kanjonima, prirodnim kamenim mostovima sa pećinama, jezerima, speleološkim objektima, endemskim biljkama.

Partneri u realizaciji projekta bili su: NVO "ATOM" Zavidovići, Općina Zavidovići i JP "Šumsko-privredno društvo" (ŠPD) Zavidovići.



Park prirode TAJAN





GÜN-GOR park

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfofocentar.ba
www.balkanfund.org
www.eurelmed.com
www.eacea.ec.europa.eu

SVETAČANO OTVOREN GÜN-GOR PARK U GORAŽĐU

GORAŽĐE, 8. maj/svibanj – Iako vremenski uslovi nisu bili najpovoljniji, uz prisustvo brojnih zvaničnika i građana, danas je svečano otvoren novoizgrađeni GÜN-GOR park čija je gradnja rezultat bratskih odnosa između Općine Güngören - Istanbul iz Turske i Općine Goražde, a čija je izgradnja koštala preko milion konvertibilnih maraka.

Za samu ceremoniju otvaranja GÜN-GOR parka bila je pripremljena i velika svečanost koja je u skladu sa vremenskim uslovima, umjesto na samoj lokaciji Parka, održana u goraždanskom hotelu „Behar“. Nakon što su načelnik Općine Güngören Şakir Y. Karaman, Ergün Turan i načelnik Općine Goražde mr. Muhamed Ramović zvanično proglasili Park otvorenim, uslijedio je sam program otvaranja u sklopu kojeg su učeće uzele sve osnovne i srednje škole sa područja općine, hor Selesebil, Ansambel narodnih igara i pjesama Centra za kulturu i Kulturno-umjetničko društvo "Azo" iz Vitkovića.

Prilikom obraćanja prisutnima, načelnik mr. Muhamed Ramović u ime građana Goražda uputio je riječi zahvalnosti Općini Güngören i načelniku Şakir Y. Karamanu koji je najzaslužniji što je Goražde dobilo ovaj izuzetan i prelijep park, kao i Vladi BPK Goražde i Agenciji za vodno područje rijeke Save na čelu sa direktorom Seadom Delićem koja je finansirala izgradnju podzide. Prisutnima se također obratio i načelnik Općine Güngören Şakir Y. Karaman koji je zahvalio domaćinima na srdačnoj dobrodošlici i izrazio sreću zbog uspješno realiziranog projekta.

Na kraju programa načelnik mr. Muhamed Ramović gostima je uručio prigodne poklone izrađene u Kulturno-edukativnom centru GÜN-GOR, koji je također projekat implementiran u saradnji sa ovom bratskom Općinom Güngören.



Treba naglasiti da se projekat gradnje GÜN-GOR parka sastojao iz dva dijela, tako što je u prvom dijelu izgrađena obaloutvrde korita rijeke Drine na lokaciji Parka čiju su izgradnju finansirali Općina Goražde, Vlada BPK i Agencija za vodno područje rijeke Save, dok je u drugom dijelu izgrađen sam GÜN-GOR park zahvaljujući bratskoj Općini Güngören.

DECENTRALIZACIJA I UPRAVLJANJE OTPADNIM VODAMA U FOKUSU STRUČNJAKA IZ CIJELE BIH

U Konjicu, u hotelu "Garden City", 25. aprila/travnja, održan je 7. redovni sastanak neformalne mreže stručnjaka iz sektora voda i zaštite okoliša Aquasan mreža BiH na temu „Lokalna i regionalna iskustva u oblasti decentralizacije i upravljanja projektima odvodnje i prečišćavanja otpadnih voda“.

Cilj sastanka je bio razmjena iskustava učesnika Aquasan mreže BiH u projektima iz oblasti odvodnje i prečišćavanja otpadnih voda koji se implementiraju na području Zapadnog Balkana i Švicarske.

Tema radionice izazvala je veliki interes stručnjaka iz sektora što se može potvrditi učešćem gotovo 60 predstavnika općina, gradova, javnih vodovodnih/komunalnih preduzeća, predstavnika resornih kantonalnih i entitetskih ministarstava i agencija za vode iz cijele BiH, te donatora koji su unaprijedili svoju suradnju sa učesnicima u smislu unapređenja znanja učesnika o procedurama stranih donatora / finansijera u sektoru voda, okoliša i komunalne infrastrukture. Kroz plenarne diskusije učesnici Aquasan mreže su predložili neke od koraka kako bi primijenili iskustva drugih susjednih država koja su im prezentirana na sastanku.

Tako su predstavnici Aquasan mreže prezentirali iskustva i naučene lekcije sa sastanka Regionalne mreže znanja za bolje upravljanje otpadnim vodama u Prištini (iskustva iz Crne Gore, Kosova, Albanije i Makedonije), a prezentirana su također i iskustva Švicarske u oblasti decentralizacije i lokalne uprave, sa posebnim fokusom na vodu i sanitaciju.

Gospodin Joseph Guntern, direktor Švicarske agencije za razvoj i saradnju (SDC) u BiH, se obratio svim prisutnim i podržao rad Aquasan mreže ispred SDC-a te ohrabrio daljnje umrežavanje i rad Aquasan mreže. Takođe je naglasio da će SDC i u budućnosti pružati podršku razmjeni iskustava i jačanju kapaciteta kroz sastanke i radionice Aquasan mreže.

Aquasan mreža BiH je dio Projekta dobre uprave u oblasti voda i zaštite okoliša "GOV-WADE" kojeg implementira Resursni centar za vode i okoliš „Una Consulting“ uz podršku SDC-a u BiH.



**Savez općina i gradova Federacije
Bosne i Hercegovine**

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our
group +

POSJETITE NAS NA WEB-U

WWW.SOGFBIH.BA

NAJAVA MEĐUNARODNE KONFERENCIJE 'ENERGA'

Pod pokroviteljstvom Ministarstva vanjske trgovine i ekonomskih odnosa Bosne i Hercegovine u Tuzli - Hotel Tuzla, u periodu od 04. do 06. juna/lipnja 2013. godine održat će se treća Međunarodne konferencije ENERGA. Organizator Konferencije je Tuzlanski sajam d.o.o. Tuzla, a suorganizator Stručno udruženje za solarnu energiju BiH „Energa Solar“. Konferencija kao programski stručni sadržaj Međunarodnog sajma ENERGA ima regionalni karakter i cilj da okupi aktere koji imaju različite i često suprotstavljene interese i poglede na koncept razvoja energetike s ciljem postizanja koncenzusa o ključnim opredjeljenjima energetske strategije i politike.

Konferencija je također prilika da stručnjaci iz prakse, vladinih institucija, nevladinih asocijacija i organizacija, BH istraživačko- razvojnih i obrazovnih institucija kao i inozemni akteri prezentiraju svoja istraživanja, rezultate, iskustva i dostignuća u sektoru energetike. Konferencija ENERGA 2013 vezana je za ispunjenje preuzetih obaveza Bosne i Hercegovine iz Ugovora o uspostavljanju Energetske zajednice.

Međunarodni Programski odbor Konferencije sačinjavaju istaknuti stručnjaci i profesori s više regionalnih univerziteta koji su svojim stručnim, naučnim i praktičnim aktivnostima posljednjih godina bili akteri osmišljavanja strategija i realizacija projekata, ali prije svega, osobe koje su prepoznatljive po promoviranju potpuno nove vizije elektro energetskeg sistema: Predsjednik: Prof. dr. Mirza Kušljagić, Univerzitet u Tuzli, članovi: Prof. dr. Mensur Hajro, Univerzitet u Sarajevu; Prof.dr. Mehmed Behmen, Univerzitet u Mostaru; Prof. dr. Petar Gvero, Univerzitet u Banja Luci; Prof.dr. Slavko Krajcar i Prof.dr. Nenad Debrecin, Sveučilište u Zagrebu, Hrvatska; Aleksandar Kovačević, Oxford Energy Institute, UK i nezavisni konsultant za ekonomiju energetike Beograd Srbija; Prof. dr. Murčo Obućina, Univerzitet u Sarajevu; Prof. dr. Mustafa Musić, JP Elektroprivreda BiH; Emir Aganović JP Elektroprivreda BiH; Željko Topić, JP Elektroprivreda HZHB; Doc. dr. Admir Softić, Ministarstvo vanjske trgovine i ekonomskih odnosa BiH; Mr. Miroslav Kukobat, Regionalno vijeće za saradnju-RCC Sarajevo; Mr. Alija Mujčinagić, Državna regulatorna komisija za električnu energiju- DERK.

Tematske oblasti Konferencije su: Energetske politike, Obnovljivi izvori energije, Energetska efikasnost, Suvremeni trendovi u termo energetici i rudarstvu, Solarna energija.

Prijava se može izvršiti putem obrasca za registraciju učesnika, koju je potrebno poslati na e-mail: energa.konferencija@tuzlanskisajam.ba, a koja se nalazi na: www.tuzlanskisajam.ba/bh/energa/registracija

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

